

## لما نوبنا نحب

لما نوبنا نحب  
القطر كان عدا  
عدا أوان الحب..  
قلبي العليل صدا  
ياللي تحب الذهب  
ماتحبش الفضة  
قالوا النعيم ألوان..  
قُلت الحياة فضه..  
لما نوبنا نحب  
القطر كان عدا

ارميلي نظرة يادوب  
ترسم لي ضحاياه..

لو..بس نظرة أدوب  
نفسي ودا...منايا  
تعبان بقالى سنين  
وف قلبى شوق وحنين...  
شاكيتي من مدة  
لما نوينا نحب  
القطر كان عدا  
عدا أوان الحب  
قلبي العليل صدا

صابر بقالى سنين  
والصبر فاض مني  
إيه اللي خدته  
يادوب

العمرفات مني  
لا فيوم أنا حببت  
ولا خدت شوق واديت  
صرخت حطان البيت  
تطلبني وبشدة  
ماتياللا حب إخلص..  
القطر فات عدا  
لما نوينا نحب  
القطر كان عدا

ياظهري ياللي اتحنيت  
ف المر يا شبابي..  
إمتى نزفّ الهوا  
ويدق علي بابي  
عطر الزهور عنه

والشوق جميل حنه

ولإمتى هاستني

لما الأمور جدة

لما نوبنا نحب

القطر كان عدا

عدا أوان الحب

قلبي العليل صدا..

ياللي تحب الذهب

ماتحبش الفضة

قالوا النعيم ألوان

قُلْتُ الحياة فضة